



RUBIA M. ALBERTUS
GRENADA WEG 36

ARUBA

NOTICIERO OFICIAL DI GOBIERNO INSULAR

AÑA 3 - No. 3

JUNI 1979

ARUBIANA PRINTS N.V.

FUTURO STRUCTURA ESTATAL DI ARUBA:

GOBIERNO INSULAR TA OPTA PA DEMOCRACIA PARLAMENTARIO

Den nan estudio di e futuro estructura estatal y un constitucion democratico pa Aruba, e sub-comision huridico di e grupo di trabao di Reino ta indica cu e minimo cu lo mester worde inclui den tal constitucion ta lo siguiente:

1. Stipulacionnan ariba e garantianan di derechonnan basico.
2. Stipulacionnan di e derechonnan basico.
3. Asegura e presencia di parlamentonan eligi den eleccionnan liber y general.
4. Organizacion y composicion di e parlamento.
5. Sistema di traha y autoridadnan di e parlamento.

Ainda no ta conoci ki clase di constitucion Aruba lo haya te despues di e ultimo reunion plenario di e grupo di trabao di Reino na Januari 1980. Despues di e fecha aki decisionnan politico lo mester worde toma. En todo caso, Gobierno di Aruba ta trahando den direccion di un democracia parlamentario pa e futuro estructura estatal di Aruba den cual e promer ministro y tur otro ministronan lo worde nombra door di e parlamento. Den e caso aki e parlamento lo ta e cuerpo di gobernacion mas halto ariba e isla.

E forma di cooperacion cu Gobierno Insular ta prefera actualmente cu Hulanda ta e mancomunidad ("commonwealth") den cual la Reina di Hu-

landa lo bira e hefe di estado simbolico. Si acaso Hulanda no bai di acuerdo cu e sistema aki, anto e ora ey Aruba lo studia e posibilidad di un presidente pa Aruba pero cu podernan limita manera esun di Surinam, Italia of Alemania. E presidente aki lo representa Aruba mas bien den exterior.

Considerando e tamaño di e isla di Aruba, e departamento pa legislacion y asuntonan constitucional ta di opinion cu un parlamento consistiendo di un camara ta adecuado pa Aruba.

Un di e funcionnan di e departamento pa legislacion y asuntonan con-

(Continuacion ariba pag. 2)



Na Februari di e aña aki e sub-comision huridico di e grupo di trabao di Reino a reuni pa di promer vez na Aruba den hotel Americana. E presidente di e sub-comision aki, cual ta studiano e aspeccion huridico den e estructura estatal nobo cu Aruba y e otro islanan lo bai adopta, ù profesor Kapteyn di Hulanda. Representando Aruba den e sub-comision ta Sr. Betico Croes, mientras Mr. Percy Denz ta secretario pa Aruba. Sr. Armando Muyale ta representa Gobierno Central. Ultimamente e grupo a reuni na Córsof di 8 pa 10 di Mei.

COMERCIO Y POBLACION TA REGISTRA PROGRESO NOTABLE DURANTE 1975 — 1979

E Gobierno Insular cu a goberna Aruba di 1975 pa 1979 a destaca su mes ariba hopi terrenonan den nos comunidad. Por ehemplo, e infraestructura di Aruba a haya hopi atencion, manera telefon, W.E.B., aeropuerto, carreteranan, tambe e servicio social a worde mehora manera onderstand y ayudo pa traha cas propio, tambe cuidio medico cu mas specialistanan, promocion di agricultura, cria y pesca, turismo y nos economia cu expansion di zona libre y preparacionnan pa explotacion di petroleo.

Tur e actividadnan di gobierno a crea un clima favorable pa biba y pa haci inversionnan comercial manera esaki a keda comproba cu cifranan di e ultimo 15 pa 20 añanan. E conclusion general ta cu Aruba a progresa considerablemente durante e ultimo cuatro añanan manera e cifranan obteni for di Camara di Comercio y for di e Oficina di Censo y Registro Civil ta indica.

E datonan obteni ta mustra cu e poblacion di Aruba a crece for di 58.743 pa 61.982 di 1960 pa 1975, un aumento di 3239 persona of 5.5 o/o durante un periodo di 15 anja. Sin embargo, for di 1975 pa fin di 1978 e poblacion a crece cu 1067 persona, of 1.7 o/o, alcansando e total di 63.049 durante un periodo di 3 anja. Den otro palabra, di 1960 pa 1975 e poblacion a crece un averahe di 0.4 o/o pa anja y for di 1975 pa 1978 e poblacion a crece cu un averahe di 0.6 o/o pa anja. E poblacion di Aruba, pues, ta creciendo mas rapido desde 1975 compara cu e anjanan anterior.

Tirando un vista ariba e mundo comercial di Aruba, ta sali na cla un fenomeno mas positivo ainda pa loque ta concerni e periodo 1975-1978. Segun e cifranan obteni, for di Januari 1965 ta na Januari 1975 e total di negoshinan inscribi na Camara di Comercio a subi for di 902 pa 1501 of

cu 599 negoshi, un aumento di 66.4 o/o. Durante e anjanan cu ta sigui te cu December 1978, e aumento di negoshinan a bai cu mas rapidez ainda treciendo e total di negoshinan registra na 2079, un aumento di 578 negoshi of 38.5 o/o. E actividadnan comercial na Aruba, pues, durante e ultimo 4 anjanan a desaroya mas rapido cu durante e anjanan anterior. Di 1965 pa 1975 e averahe pa anja tabata 6.6 o/o compara cu e averahe di 9.6 o/o pa e periodo 1975-1978.

Un otro indicacion positivo di e progreso di Aruba ta e hecho cu e cantidad di personanan cu a establece nan mes na Aruba a sigui crece durante e ultimo cuatro añanan cu un variacion di aña pa aña. For di 1965 te cu 1978, e cifranan ta reflesha lo siguiente: 1965: 1150; 1966: 1337; 1967: 1290; 1968:1381; 1969: 1632; 1970:1934; 1971:1642; 1972:1942; 1973:2171; 1974:1696; 1975:1741; 1976:1691; 1977: 1988; 1978:1778.

Tambe e cifranan di e cantidad di

personanan cu a bandona Aruba permanentemente no ta muestra ningun aumento durante e ultimo cuatro añanan compara cu e añanan anterior. Siguientemente e cifranan di salidanan for di Aruba: 1965: 2786; 1966:2440; 1967: 2518; 1968:2055; 1969: 1920; 1970: 1958; 1971: 2505; 1972: 2386; 1973: 2463; 1974: 2289; 1975: 2229; 1976: 2026; 1977: 2194; 1978: 2258.

E contribucion di e Gobierno Insular durante e ultimo cuatro añanan di acuerdo cu e informacionnan presente aki riba ta positivo y a crea un ambiente di estabilidad economico, politico y social.

GOBIERNO INSULAR

(Cont. di pag. 1.)

stitucional ta estende conseho huridico na e representantenan di Aruba den e gruponan di trabow di Reino y esun Antillano. Dos di e sub-comisionan di Reino, esta esun huridico y esun financiero, a reuni na Corsow di 8 pa 10 di

(Cont. ariba pag. 4)



E sub-comision financiero-social-economico di e grupo di trabow di Reino a reuni pa di promer vez na Aruba na Februari ultimo den hotel Americana. Presidente di e grupo aki ta profesor Weytenberg di Hulanda, mientras cu e miembro pa Aruba ta Sr. John v/d Kuyp. Sr. Tabare Monzon ta nombra door di Gobierno Central, mientras Sr. Milo Croes ta nombra como secretario adhunato door di Gobierno Hulandes.

PROMER PASO A SER TUMA PA PREPARA CONSTITUCION PA ARUBA INDEPENDIENTE

Dia 8 pa 10 di Mei ultimo dos di e subcomisionan di e grupo di Reino, esta esunnan huridico y financiero-social-economico, a reuni na Corsow pa discuti e variedad grandi di topiconan cu ta pertenece na cada uno, respectivamente. Durante e reunionnan aki a keda comproba un vez mas cu e representantenan di Aruba ta esunnan mehor prepara cu documentonan y motivacionnan bon formula.

Teniendo na cuenta cu e grupo di trabow di Reino no ta divulga local ta ser discuti den nan reunion pa motibo di e decision pa mantene secreto te ora cu nan trabow ta cla, no ta posible, pues, pa publica e notanan di tal reunionnan. Pero, loque si por wordre publica sigulientemente ta e contenido di un composicion tocante derechonan basico prepara door di e departamento di legislacion y asuntunan constitucional y presenta den e ultimo reunion di e subcomision huridico na Corsow:

1. Introduccion

Derechonan basico ta derechonan cu fundamentalmente (Constitucion) ta garantisa pa cu sernan humano. Ta trata di derechonan y libertadnan cu ta permiti hende biba mas tanto posible segun nan propio deseo. E derechonan basico ta wordre separa entre derechonan basico clasico y derechonan basico social. E derechonan basico ta wordre fha den e constitucion di un pais pasobra den esaki pues ta reglá den terminonan general, banda di e estructura estatal, tambe e relacion entre gobierno y e ciudadano y esaki ta un característica importante di derechonan basico.

2. Derechonan basico clasico.

Desde siglonan hende ta trata na crea reglanan pa por garantisa su propio derechonan y libertad. Awendia nos por constata cu e lucha aki a haya su base den

tanto aregionan nacional como internacional. Tocante e promer por wordre muestra ariba e anclamento di derechonan humano den e diferente constitucionnan; ariba tereno internacional e lucha aki a haya forma den Convencionnan, Declaracionnan,

Pactonan y Estatutonan y Organizacionnan Internacional Gubernamental, estableci despues di terminacion di Segundo Guerra Mundial. E Pao di Nacionnan Uni ta menciona derechonan basico den conexion cu e debernan di estadonan pa respecta e derechonan aki y pa promove e desarrollo di nan. Tambe por wordre referi na e Declaracion Nacional di Derechonan Humano, sinembargo no mester lubida cu e Declaracion aki no ta obligatorio huridicamente, pero ta intencionan como un norma comun cual tur pueblonan y nacionnan mester trata na realisa. Ademas di derechonan politico y civil ta wordre menciona ey den tambe derechonan di cuida social.

Na Nacionnan Uni pa hopi aña caba nan ta tratando di converti e "Declaracion" cual estrictamente no ta obligatorio, den un convencion multilateral. E realisation di esaki a haya forma tanto ariba nivel regional como internacional. Na 1950 a wordre forma e Convencion Europeo pa proteccion di Derechonan Humano y Libertadnan Fundamental (Tratado di Roma di 4-11-1950 cual a drenta na vigor 3-9-1953). Un suplemento importante na e Convencion aki tabata e firmamento di e Pacto Social Europeo ariba 18-10-1961. Pa e region Americano por wordre referi na e Declaracion Americano di Derechonan y ebernan di Hende di 2-5-1948 y e Convencion Americano tocante

Derechonan di Hende cual a drenta na vigor ariba 28-7-1978. Ademas, por wordre muestra ariba e tratadonan di Derechonan Humano di 1966 cualnan a drenta na vigor ariba 23-3-1976 en general, pero pa e Reinado en particular ariba 11-3-1979.

3. Aicancu

For di e institucionalisacion menciona di e garantia di e derechonan basico clasico (derechonan humano) lo wordre usa como norma e Tratadonan di Derechonan Humano di 1966, ya cu Aruba durante tratamento di e tratadonan aki den Tweede Kamer di Staten-General na September 1978 a duna su aprobacion na ratificacion di esakinan. Nos ta di opinion tambe cu pa medio di e Constitucion, ehecuion nacional mester wordre duna na e aregionan internacional menciona. E minimo di derechonan basico cu lo wordre ancia den e constitucion di Aruba ta lo siguiente:

- a.- Prohibicion di descrimnacion pa motibo di religion, convencimiento di bida, inclinacion politico, rassa, sexo of cualquier otro motibo;
- b.- Expulsion por tuma lugar solamente di acuerdo cu tratado;
- c.- Derecho ariba libertad di religion of convencimiento di bida, salvo e responsabilidad di cada persona segun ley;
- d.- Derecho di libertad pa publica pensamiento of sentimentonan pa medio di prensa tipografica, television, radio y otro medianan, salvo e responsabilidad di cada persona segun ley;
- e.- Derecho di asociacion. Pa medio di ley e derecho aki por wordre limita den interes di orden publico;
- f.- Derecho di reunion y manifestacion, salvo e responsabilidad di cada persona segun ley;

(cont. ariba pag. 4)



Personal di e departamento pa legislacion y asuntonan constitucional di Gobierno Insular ta consisti di e siguiente huristanan: Sres. Percy Denz (sinta), hefe interino, y di robes pa drechi, Sres. W.J. Pedrolli, B.J. Th.G. Wilms, W.G. ter Weerne y L.C.G. Berger. Tareanan principal di e departamento ta pa asisti e miembronan di Aruba den e grupo di Reino, prepara decentralisacion y un constitucion nobo pa Aruba.

PROMER PASO

(cont. di pag. 3)

- g.- Derecho di respet pa e esfera personal di biba, salvo e segun limitacionnan reglamento pa ley;
 - h.- Secreto di carta, secreto di telefon y telegraaf ta inviolable, cu excepccion di casonan stipula den ley;
 - i.- Derechonan ariba propiedad. Infraccion di esaki por worde haci solamente pa motibonan di interes general contra un indemnizacion asegura di antemano;
 - j.- Derecho ariba privacy;
 - k.- Ningun hende ta castigable solamente saliendo for di un previo stipulacion di castigo;
 - l.- Ningun hende por worde impedi contra su voluntad di bai cerca huez kende lo concedele e ley-
 - m.- Derecho ariba libertad di enseñansa;
 - n.- Tur Arubiano a base di igualdad ta eligible pa drenta servicio publico.
- Con leuw e derechonan basico menciona aki ariba mester worde plantea abso-
- lutamente, mester ta topico di un otro estudio mas amplio. E explicacionnan aki riba no ta pretende di ningun manera di ta completo; e ta intencion di sirbi como e promer paso pa yega na un garantia minimo di e derechonan basico den e constitucion di Aruba.

Te asina leuw e nota tocante dere-

chon basico.

Algo nobo cu e representantenan di Aruba den e comision di Reino ta pensando di incorpora den e futuro sistema huridico di un Aruba independiente ta un Corte Institucional. E hueznan cu lo sinta den e corte aki lo huzga leyman treci nan dilanti door di cualquer persona of instancia, pa dicidi si tal leyman ta contra e derechonan basico stipula den e constitucion di Aruba. Esaki no ta conoci den nos sistema huridico actual pero den un futuro Aruba independiente lo sirbi como un garantia mas di e derechonan fundamental di cada ciudadano.

GOBIERNO INSULAR.....

cont. di pag. 2

mei ultimo. Sr. Percy Denz, hefe interino di e departamento en cuestion y a la vez secretario adhunto di e sub-comision huridico, a presenta durante e reunion na Corsow algun composicionnan exponiendo e punto di vista di Aruba tocante derechonan basico, nacionalidad y pasaporte. E contentidonan di e composicionnan ta aparece den otro articulonnan den e publicacion aki.

E di tres sub-comision, esun funcional, a reuni na Corsow mas despues di 14 pa 17 di Mei.

Te na skirbimento di e articulo aki ta conoci cu e sub-comisionnan huridico y financiero-social-economico lo prepara nan informenan interino durante e luna di Mei. Pa e proposito aki a viaha

pa Hulanda ariba 18 di mei., Sres. P. Denz di Aruba y R. Lopez Ramirez di Gobierno Central, miembronan di e sub-grupo huridico, na unda nan lo sinta cu profesor Kapteyn, presidente di e sub-comision, pa formula e interim rapport.

Ariba e mesun fecha a viaha pa Hulanda tambe algun miembronan di e sub-comision financiero-social-economico, esta Sres. A.G. (Mito) Croes di Aruba y C. Gomez Casseres di Corsow pa traha un informe similar tocante e trabow di nan sub-comision. Na Hulanda nan lo reuni cu e presidente di e sub-comision, Prof. Weytenberg.

E grupo di trabow di Reino den su totalidad lo tene su proximo reunion plenario na Antillas ariba 11 di juni venidero y e siguiente ariba 24 di september na Hulanda. E ultimo reunion plenario lo ta na Aruba ariba 7 di januari 1980 despues di cual decisionnan politico encuancto futuro estructura estatal lo mester worde toma door di e instancianan concemi, esta e territorio-

nan Insular, Gobierno Central y Gobierno Hulandes.

HULANDA Y GOBIERNO TA FINANCIAR KLEUTERSCHOOL PA SAVANETA

Na luna di Januari ultimo Gobierno Insular a ricibi e grata no tiela cu Gobierno Hulandes lo financia un kleuterschool na Savaneta pa un suma total di Fls. 531.750. Ademas, Gobierno Insular lo tuma pa su propio cuenta e suma di fls. 100.000 y fls. 33.000 den forma di un garantia.

E financiamiento aki a worde haci posible door di intervencion di diputado Nel Oduber, kende a hiba conversacionnan ariba peticion di e Fundacion Kleuterschool Savaneta cu ministro pa asuntonan Antillano, Sr. A. van der Stee y Drs. Moerman, director di e gabinete pa asuntonan Antillano.

E acuerdo pa e financiamiento di e school a worde firma na luna di Februari entre e representante di Hulanda, Drs. B.H.A. van der Wolff, y e presidente di e fundacion, Sr. A. Rasmijn. Un di e clausulanan di e acuerdo ta

(cont. ariba pag. 5)

DEPTO. ASUNTONAN CONSTITUCIONAL TA YUDA PREPARA INDEPENDENCIA

Den su afan pa prepara independencia di Aruba, Gobierno Insular a tuma varios pasonan pa alcansa e meta aki cual ta di acuerdo cu e deseo di e pueblo manera esaki a keda expresa den referendum teni ariba 25 di Maart 1977. Un di e promer pasonan ta establecimiento di e departamento insular pa legislacion y asuntonan constitucional cual tin como tarea pa formula leyman pa descentralisacion, asisti miembronan di e grupo di trabow di Reino y prepara un constitucion pa un Aruba independiente.

E departamento a worde estableci oficialmente ariba 1 di Februari 1978 y ta consisti di 7 persona di cual 6 ta hurista. Pero antes di esaki ya caba e hefe di e departamento, Mr. John v/d Kuyp, kende actualmente ta diputado, tabata ocupa su mes cu asuntonan constitucional. Specificamente, e departamento ta cumpli cu e siguiente trabowan: anticipa ariba descentralisacion, esta prepara leyman pa tuma over departamentonan central, y trabow di e

grupo di Reino. Den e ultimo aki e departamento ta traha ariba documentonan pa e miembronan di Aruba den e grupo pa asina nan ta bon prepara ora nan reuni cu e otro miembronan di e comision.

Tambe e departamento pa legislacion y asuntonan constitucional ta percura pa trece cambian den leyman di landsverordening pa converti esakinan den eilandsverordening. E departamentu ta investiga ariba su mes ariba e posibilidad cu ta existi pa cambia podernan di Gobierno Central y pone esakinan den man di Gobierno Insular.

No menos importante den e trabowan di e departamento ta preparacion di documentonan pa studia e posibilidad pa traha un "entiteitsgrondwet", esta un constitucion pa un entidad. Esaki ta un constitucion cu por worde adopta door di e otro islanan tambe y di e manera aki posee e mesun constitucion cu Aruba. E pensamiento aki ta di acuerdo cu e intencion di Gobierno di Aruba pa mante-

ne lasonan institucionalisa cu e otro islanan y si tur tin e mesun constitucion lo ta mas facil pa introduci legislacion paralelo ariba tur e islanan. Esaki ta nifica cu tur isla por adopta leyman similar cual lo facilita e relacionan institucionalisa entre e islanan.

E personal di e departamento pa legislacion y asuntonan constitucional ta consisti ademas di e siguiente personalnan, tur hurista: Sres. P.D.O. Denz, hefe interino; W.J. Pedroll; B.J.Th.G. Wilms; W.G. ter Weeme y L.C.G. Berger. Cu excepcion di Sr. Denz, tur e huristanan ta procedente for di Hulanda. Srta. D. Croes ta secretaria. Nan ta situa den e edificio di M.S. Arends na Zuidstraat no. 13.

KLEUTERSCHOOL.....
(Cont. di pag. 4)

bisa cu e trabowan di construccion mester cuminsa cuatro luna despues di e firmamento.

Den pasado Gobierno Hulandes a duna di conoce cu proyectonan di kleuterschool lo no worde financia for di e fondo pa desarolla pa Antillas Hulandes. Pues, e cambio den e decision di Hulanda ta demostra confianza pa parti di Gobierno Hulandes den e gobierno y futuro di Aruba.



Ariba 22 di April ultimo reverendo Pastoor Fick a pone e promer piedra pa construccion di e kleuterschool pa Savaneta. E costonan total lo ta fis. 708.706 di cual Hulanda a pone fis. 531.750, Gobierno Insular fis. 100.000 y e Stichting Kleuterschool Savaneta fis. 21.000. E terreno na valor di fis. 33.000 a ser obsequia door di Bisdom di Antillas. Ademas, Gobierno Insular ta para garantia pa fis. 33.000 y e fundacion lo sigal recauda fondo pa cubri e suma faltante. E trabow di construccion lo mester termina den 8 luna.

Tur diahuebs na
TELE— ARUBA
pa 8:30 p.m

"ARUBA

Y SU

INDEPENDENCIA"

ARUBA LO HAYA SISTEMA T DI ANTILLAS HULAN

Ariba 24 di Maart ultimo e trabowan pa modernisacion di e centralnan di telefon na Aruba a cuminsa oficialmente. Tur e aparatonan bieuw di e sistema electro-mecanico lo worde cambia pa e sistema moderno semi-electronico di e compania Hulandes Philips kende a haya e contracto di Gobierno Insular pa mehora e sistema telefonico di Aruba. Despues cu e proyecto ta cla, e capacidad di e centralnan lo subi te cu 12.000 number na total.

Compara cu e sistema electro-mecanico cu ta anticua, caro y no por cumpli cu e exigencianan moderno pa un bon comunicacion, e sistema semi-electronico ta ofrece e siguiente ventahanan pa e abonadonan di Aruba:

1. Kiestoon inmediato. Esaki kier men cu asina cu e telefon worde lanta, e kiestoon ta bira audible.
2. E capacidad di e centralnan lo worde expande for di 7600 number actualmente pa 12000, 8000 pa e central na Oranjestad y 4000 pa e central di San Nicolas. Di e manera aki lo por cumpli cu e lista di espera di 3000 peticion

y ainda resta cu un reserva.

3. Comunicacion inmediato. Esaki ta nifica cu asina cu e ultimo cifra di un number worde getrei y bai bek, e number yamá ta cuminsa ring.

4. Telefon cu boton. Pa e abonadonan cu ta desea esaki, aparatonan di telefon cu e numbernan ariba boton en vez di disco cu buraco, lo ta disponible. Usando telefon cu boton lo duna comunicacion mas rapido ainda pa motibo cu primiendo boton e numbernan ta conecta mesora pasobra no mester warda pa ningun disco drel bek na su lugar promer cu scoge un otro cifra.

5. Yamadanan internacional directo. Despues cu e sistema nobo den e centralnan keda completamente instala, lo ta posible pa haci yamadanan internacional pa Merca, Europa y Sud-America directamente sin tin nodi di pidi yamada via Landsradio.

6. Dreimention abrevia. Hopi yamadanan internacional ta consisti di un serie di 10 pa 12 cifranan cu



Un di e aparatonan nobo cu ta worde instala door di Philips na Aruba. E aparato di computador cu ta indica ora tin un defecto...




E trabowan di instalacion di e sistema nobo di telefon entrega door di Philips ta progresando. Milles y Milles di waya mester worde conecta na e aparatonan nobo den e centralnan cual ta worde haci cu asistencia di e personal di Telefoondienst.

mester drel of primi boton, dependiendo ki tipo di telefon ta ser usa. Cu e sistema nobo ta posible pa reduci numbernan largo asina den forma di un codigo di solamente 2 of 3 cifra. Esaki ta reduci e chens di haci errornan ora ta yama numbernan largo y ta reduci e tempo pa haci e comunicacion necesario.

7. Servicio "hot line". Esaki ta permiti un telefon comunica cu otro telefon sin drel number of primi boton, cu simplemente lanta e telefon. Personanan incapacia, por ehemplo, por usa un telefon "hot line" pa pone nan den contacto directamente cu oficina di dokter of hospital na momento cu nan mester asistencia.

TELEFONICO MAS MODERNO DESDE SAN NICOLAS Y DEN CARIBE



El sistema de Philips en la central de telefonos en Playa ta un sistema moderno y de defecto ta.

8. Yamadanan di repeticion of "call repeat". Esaki ta casi mesos cu punto no. 5 mas ariba. Si un abonado ta yama un number, sea den exterior of local, y esaki ta ocupa, en vez di drel e mesun number atrobe despues di un rato pa ripiti e yamada, e ta simplemente primi un boton so y e number ta conecta.

E proyecto pa modernisa e sistema telefonico di Aruba lo bai costa alrededor di 38 milyon florin Antillano. E acuerdo cu Gobierno Insular pa e proyecto aki a word'e firma ariba 8 di November 1977 y Philips a pone como condicion cu Gobierno Central mester para garantiza pa e pagonan ariba termino cu Gobierno di Aruba mester hacel na Philips. Na su turno, Gobierno Central a impone cierto condicionnan descreminacion

torio ariba Gobierno di Aruba promer cu eia bai di acuerdo pa extende e garantia necesario. Despues di varios deliberacionnan entre e dos gobiernonan Aruba a obtene finalmente e garantia aña pasa y seguidamente Gobierno Insular a avisa e compania Philips pa cuminsa cu e preparacion y na Maart di 1979 e promer equiponan pa e centralnan a yega Aruba.

Un desarrollo hopi importante a surgi e aña aki den e asunto di e proyecto di telefon. Ta conoci cu Gobierno Hulandes aña pasa a nenga di extende ayudo financiero pa e proyecto aki despues cu e Gobierno di Aruba a acerca Hulanda cu tal peticion. Pero, mirando e importancia di e proyecto aki pa Aruba y demostrando confiansa den e gobierno y futuro di Aruba, Gobierno Hulandes a dicide recientemente di yuda Aruba toch cu e proyecto di telefon. For di placa cu a sobra den e fondo pa yuda Antillas, Hulanda a bai di acuerdo pa haci un prestamo na Gobierno di Aruba di 15 milyon florin Hulandes. Esaki ta promer vez cu Gobierno Hulandes a usa placa cu a sobra den e fondo pa financia un proyecto na Antillas.

Realizando e necesidad pa trece pueblo al oriente di e proyecto pa modernizacion di comunicacion telefonico, Gobierno di Aruba a formula un plan pa informa pueblo debidamente. Di acuerdo cu e plan aki Gobierno lo organisa nochinan informativo den districtonan di Aruba na unda representantenan di Telefoondienst y Philips lo duna informacion y contesta preguntanan di e publico presente tocante e sistema nobo di telefon y con pa usa e aparatonan pa haci yamada.

E sistema cu Philips lo instala na Aruba ta yama PRX, of "Processor Controlled Exchange", cual ta un sistema semi-electronico controla pa computador instala den e centralnan. E ta un di e sistemanan mas avansa na mundo y ta funciona sumamente rapido y ta masha flexible pa ser expande y pa adaptacion na instalacion di servicionan adicional. Philips a instala caba of ta instalando e sistema telefonico aki na diferente otro partinan di mundo. Na Hulanda den e siguiente ciudadnan: Amsterdam, Arnhem, Utrecht, den Haag,

(Cont. ariba pag. 11).



E sistema nobo PRX di Philips cual ta word'e instala actualmente den e centralnan di telefon di San Nicolas y na Oranjestad lo funciona bao control di computadornan electronico. Despues cu e instalacion keda cla na fin di e aña aki Aruba lo posee e sistema di comunicacion telefonico mas moderno den Caribe.

GOBIERNO TA STIMULA CONSTRUCCION DI CAS PROPIO CU FUNDACION NOBO

Ariba 16 di Februari ultimo e Fundacion Cas pa Comunidad Arubano (F.C.C.A.) a cuminsa cu su actividadnan mientras cu e apertura oficial di su oficina na Pitastraat 2A a tuma lugar ariba 11 di Maart door di diputado Pedro Kelly. E tarea principal di fundacion ta coordina y ehecuta e maneho di Gobierno Insular di Aruba ariba vivienda pa pueblo.

E iniciativa pa funda F.C.C.A. tabata un idea di Gobierno di Aruba pa trece cambianan drastico den e maneho di cas pa pueblo compara cu e maneho di e gobiernonan di antes. Di acuerdo cu e maneho nobo pa vivienda e necesidadnan di pueblo lo worde cumpli cu n'e den un manera mas husto, realistico y segun e cultura di e pueblo Arubano. Pues, Gobierno Insular lo bai cumpli awor cu e siguiente necesidadnan:

1. Stimula construcion propio y asina responde na e necesidad cultural-historico di e pueblo Arubano pa cada famia tin su mes cas (contrario na e sistema di casnan pa pueblo, F.C.C.A. ta ofrece na hopi persona e posibilidad pa traha nan mes cas).
2. Cumpli cu e necesidad di gruponan den e comunidad Arubano cu pa motibonan financiero no por yega di tin nan propio cas.
3. Ofrece e posibilidad na gruponan cu ta prefera di huur un cas na lugar di tin nan propio cas, pa motibo, por ehemplo, di e gastonan cu mantencion di un cas propio ta exigí of cu a base di nan entrada ta worde indica pa un cas pa huur.

E trabowan amplio di F.C.C.A. ta inclui e siguiente actividadnan:

1. Huurmento di casnan pa pueblo.
2. Mantencion di casnan pa pueblo.
3. Renobacion di casnan existente.
4. Saneamento di casnan den mal estado.
5. Dunamento di credito y hipoteca na esnan cu ta traha nan propio cas.

6. Construcion di casnan nobo pa pueblo.

Dentro di poco dia F.C.C.A. lo duna mas informacion tocante e ehecion di un parti di nan tareanan. Mescos cu cualquier otro instancia cu ta duna ayudo F.C.C.A. tambe tin su condicionnan y un di nan ta cu pa bin na remarca pa un hipoteca pa construcion di cas propio, e peticionado no mester ta gana mas cu fls. 22.000 pa aña y no menos cu fls. 8.000 pa aña. E fundacion ta desea di yuda mas bien e casonan social, esnan cu ta menos fuerte economicamente. Tambe tin condicionnan relaciona cu e tamaño di e cas y e entrada di e peticionado. Mas informacion lo worde publica pronto door di F.C.C.A.

Realisando cu e sistema di traha casnan pa pueblo na cantidadnan grandi na diferente sitionan ariba Aruba no tabata cumpli cu e deseonan di e pue-

blo, Gobierno Insular a dicidi na 1977 di trece un cambio den esaki y a pidi e Nationale Woningraad (N.W.R.) di Hulanda via e ministro di fomento pa haci un inventarisacion na Aruba cu ayudo di Gobierno Hulandes. For di e hopi interes cu e inventarisacion a produci a keda demostra e tradicion y deseo di cada famia Arubano pa yega na su propio cas.

Pa por a tuma over tur e tareanan tocante e ehecion di e maneho ariba vivienda pa pueblo, Gobierno Insular despues di a reuni cu funcionarionan di N.W.R., a dicidi di ianta F.C.C.A. Pa e proyecto di construcion di cas propio e fundacion ta haya tanto ayudo tecnico como financiero te na un suma di fls. 13.500.000. Durante e promer dos pa tres añanan funcionarionan di N.W.R. lo dirigi e fundacion y lo yuda pa haya personanan capacita pa tuma over e trabow despues. (Esnan di N.W.R. na

(Cont. ariba pag. 10).



Ariba 23 di April ultimo a keda cla e trabow di recap di Jarweg cu ta pasa door di Rood Koochi y tambe parti di e carretera cu ta corre di Savaneta pa Cero Alejandro, na un total di 3 1/2 km. Cu plamamento di santo ariba e caminda miembro di Eilandsraad, Sr. E. de Kort, a marca fin di e trabow den presencia di diputado R. Laclé y empleadonan di D.O.W.

DEPTO. ASUNTONAN CONSTITUCIONAL TA SPLICA NACIONALIDAD Y PASAPORTE

E asunto di nacionalidad den un futuro Aruba independiente actualmente ta topico di discusion den hopi seccion den nos comunidad. Tin cierto gruponan cu ta boga pa un Aruba soberano pero cu mantencion di e nacionalidad Hulandes y tin otro gruponan cu ta boga pa un Aruba independiente cu su propio nacionalidad y, pues, pasaporte.

Pa elimina y confusion cu ta existi actualmente, e departamento insular pa legislacion y asuntonan constitucional cu ta preparando tur e documentonan huridico pa e representantenan di Aruba den e comision di Reino, ta duna un explicacion masha cla encunto a nacionalidad. Segun e departamento di 5 hurista no ta posible pa un pais ta soberano y tin nacionalidad di un otro pais. Esaki ta un contradiccion ariba su mes.

Un otro aspecto di e asunto aki ta cu definitivamente Holanda no ta interesa di sigui mantene lasonan estatal cu Antillas, menos ainda cu un di e islanan. Awor pa mantene e nacionalidad Hulandes mester mantene tambe lasonan estatal cu Hulanda local manera ya menciona no ta posible despues di e cambionan cu lo bini den e futuro estructura estatal di Aruba y e otro islanan. Pues, un futuro Aruba soberano lo ta un Aruba independiente den cual cada ciudadano lo haya e nacionalidad Arubano.

Considerando e explicacion menciona aki riba y e deseo di e pueblo pa un Aruba independiente manera esaki a keda expresa den e referendum di 25 di Maart 1977, Gobierno di Aruba ta opta pa un forma di cooperacion institucionalisa cu Hulanda y e otro islanan den un mancomunidad. E sistemanan di cooperacion actualmente ta topiconan di estudio di e departamento pa legislacion y asuntonan constitucional.

Durante e reunionnan di e subcomision huridico di e grupo di trabow di Reino teni na Corsow di 8 pa 10 di mei ultimo, e departamento en cuestion a prepara un nota interesante tocante pasaporte cual a word e entrega como un punto di informacion. E contenido ta lo siguiente:

Passaporte

E pasaporte den principio ta un documento pa finnan di viahe, cu intencion di establece e identidad di e viahero. Un estado oficialmente por

determina e identidad di tanto persona nacional como no-nacional. No tin nada pa stroba un estado di extende un pasaporte na un extranjero, aunque cu pa motibonan obvio no ta haci esaki asina rapido. Seguramente cu no, pasobra e pasaporte ta e base ariba cual un persona por reclama proteccion di cierto embajada. E practicanan hopi varia relaciona cu dunamento di pasaporte a conduci e Liga di Nacionnan y Nacionnan Uni pa propone reglanan uniforme. Ademas tin tratadonan cera relaciona cu dunamento di documentonan pa viaha na fugitivonan cu na cierto nivel ta inclui den e Convencion concerniendo e status di fugitivonan di 1951 y esun di 1954. E relacion entre un pasaporte y nacionalidad tambe a word e treci na orde cerca tribunanan internacional. Nan ta sali for di e punto di vista cu e peticion pa un pasaporte na un estado no ta trece cuenele e rechazo di un otro nacionalidad. Pero si ta word e supone cu ora un pasaporte ta describi e portador di

dje como un nacionalidad propio, cu esaki ta e caso tambe, pero prueba di lo contrario semper ta keda habri.

"Pasaporte di Mancomunidad".

Den un mancomunidad cada pais independiente ta saca su propio pasaporte. For di pafor no por word e nota den ningun forma cu e ciudadanonan ta procedente di un pais den un mancomunidad cu ta pertenece na e categoria di ciudadanonan di mancomunidad of di suhetonan Britanico. Hopi biaha, pero por ehemplo no den e caso di Canada, e status comun ta parece di ta bin for di un observacion di "Status nacional". Si ta word e menciona promer y semper e status di e ciudadano di e propio pais. Solamente e Reinado Uni Britanico y e territorionan cu ta depende di dje manera colonianan, estacionan asocia y protectoradonan tin na banda pafor di e e titulo "British passport" cu of sin e adiccion di por ehempel "State of St. Vincent" *cont. riba pag. 10*



Ariba 24 di April ultimo dloutado di enseñansa, Sr. John v/d Kuyp, a instala un comision di enseñansa cual lo tin-como tarea pa haci un estudio di e sistema nobo pa ser adopta den un futuro Aruba independiente. E comision mester entrega rapport na Bestuurscollege cada dos luna y ta consisti di: Sres. Emterlo Arenas, presidente; Drs. Roald Mickel; Arend Welmers; Gervals Heide; Srta. Madonna Stephens, Sra. Freda Rodriguez, Rafael Halley, Patricio Ras y Karel B. Coffie.

GOBIERNO INSULAR TA INTRODUCI PENSIOEN NOBO PA OBRERONAN

Na lun. di Maart ultimo Gobierno Insular di Aruba a introduci un reglamento nobo pa pensioen pa e obreronan den servicio temporario ora nan sali for di servicio di Gobierno pa motibo di a cumpli 60 aña di edad of malesa. Bao di e reglamento nobo cual a drenta na vigor cu forza retro-activo 1 di juli 1978, tur e obreronan aki cu tin por lo menos 5 aña di servicio lo ricibi un pensioen for di Gobierno Insular pa resto di nan vida ademas di un suma extra y placa pa yiu.

Compara cu e reglamento bieuw cual no tabata contene un suma extra, ni placa pa yiu y tabata caduca na edad di 62 aña na cual edad e pensioen di vezeh ta drenta na vigor, e reglamento nobo ta ofrece ademas e siguiente ventahanan:

1. Si un obrero den servicio temporario fallece y na momento di fallicimento ya eia cumpli 10 aña of mas di servicio, su viuda y/of huerfanonan ta bin na remarca pa un pensioen a base di e reglamento nobo.
2. Ora un ex-obrero cu ta hayando un pensioen fallece, su viuda y/of huerfanonan ta bin na remarca pa un pensioen a base di e reglamento nobo, contal cu e ex-obrero aki tabata hayando pensioen a base di 10 aña of mas di servicio.

Ademas, e reglamento nobo ta stipula cu tur ex-obreronan cu tabata na vida ariba 1 di juli 1978 y cu antes tabata ricibi un pensioen di Gobierno Insular pero cu a caduca pa motibo di e pensioen di vezeh, lo ricibi un pensioen di acuerdo cu e reglamento nobo. Tambe, tur ex-obreronan cu ariba 1 di juli 1978 tabata ricibi un pensioen di gobierno segun e sistema bieuw, lo sigi haya esaki te ora cu e caduca pa motibo di e pensioen di vezeh cu ta drenta na vigor na edad di 62 aña. Despues e ex-obreronan aki ta bin na remarca pa e pensioen nobo.

E reglamento nobo ta stipula tambe cu e suma extra y placa pa yiu di acuerdo cu e reglamento nobo lo wordu duna tanto ariba e pensioen bieuw como esun nobo. E suma extra y placa pa yiu lo wordo duna cu forza retroactivo te cu 1 juli 1977 na tur obreronan cu tabata haya pensioen ariba 1 di juli 1978 segun e reglamento bieuw.

Un otro stipulacion ventahoso di e reglamento nobo ta duna un suma di placa porhunto den caso di fallicimento

DEPTO. ASUNTONAN.....

(cont. di pag. 9)

cent?". Un pasaporte di mancomunidad, pues, no ta existi, mientras cu e pasaporte Britanico ta wordo extende solamente na habitantenan di Reinado Uni y su colonianan, etc.

Te asina leuw e nota tocante pasaporte di e departamento pa legislacion y asuntunan constitucional.

di un ex-obrero cu ta hayando pensioen, na e viuda y huerfanonan conhuntamente. E suma en cuestion ta igual na tres luna di e pensioen di e ex-obrero na momento cu eia fallece.

Cu e paso aki Gobierno Insular ta cumpli cu su ideologia social democrata door di yuda esnan menos fuerte financieramente den nos comunidad y ta coregi un injusticia social cu tabata existi pa cu e obreronan den servicio di Gobierno Insular.

GOBIERNO TA STIMULA.....

(cont. di pag. 8)

Aruba ta Sres. R.K.S. Beute, consehero di Bestuurscollege pa cu N.W.R. y kende ta funciona como director di F.C.C.A., y Huishof kende ta encarga cu e parti tecnico y Sra. J. Westendorp kende tin e administracion na su ent-

(cont. ariba pag. 11)



Ariba 18 di Maart ultimo a cuminsa cu e trabownan pa drecha e muelle na unda e mercada bieuw di fruta ta situa. Despues cu esaki ta cla den 9 luna na un costo di fls. 678.300 lo tin trabownan pa construcion di edificionan nobo y cobamento di lama eya na cu e mudcat. E ultimo dos trabownan aki lo costa mas o menos 1 milyon florin y ta completa e proyecto di waf chiquito.



Esaki ta e dos ambulansnan nobo cu Gezondheidsdienst a encarga y a yega Aruba na Januari di e aña aki y a worde poni den servicio na fin di Maart. Nan ta di marca Ford cu motor 460 c.i.d. di 8 cylinder cu power steering. Den e parti ariba e dak (fiber) tin dos sistema di alrco, uno pa e compartamento patras y e otro pa e chofer padillanti. Tin dos zwaallicht cora ariba e dak y dos spotlight cada banda; ademá tin 10 flasher cora tur rond di e vehiculo. Tambe e tin ariba e dak dos parlante cu ta sirbi di sirena di 100 W cu cuatro diferente sonido y ta sirbi tambe como sistema di sonido p.a. system.

ARUBA LO HAYA.....

(cont. di pag. 7)

Breda, Groningen, 's-Hertogenbosch, Maastricht, Haarlem, Leeuwarden, Zwolle y Hengelo, na total 1.252,800 number. Tambe na Indonesia Philips lo instala 179.400 number, na Brazil 5000, na Peru 59.000 y na Arabia Saudita 312.000 number.

Di acuerdo cu horario di e proyecto, e trabownan lo worde haci den cinco fase den e siguiente forma:

1. Trabownan den centralnan. Instalacion di e aparatonan nobo den e centralnan lo keda cla na fin di 1979 y na Januari 1980 tur telefon na Aruba lo worde pasa over pa e sistema nobo. Tur number nobo di telefon lo consisti di cinco cifras. E centralnan di Oranjestad y San Nicolas so lo keda existi ya cu esakinan ta suficiente pa Aruba.
2. Instalacion di cablanan primario cual lo cuminsa na Juni e aña aki. Easn entre Cranjestad y San Nicolas ya ta instala desde aña pasa.
3. Instalacion di cablanan for di e centralnan pa kashinan di cable di cual lo bini un total di 65

kashi ariba henter e isla. Ta ser calcula cu e proyecto lo requiri mas o menos 160 km di cable na total.

4. Trabownan di conexion na casnan di abonadonan.

5. Instalacion di telefonnan adicional cu numbranan nobo disponible.

Ta ser calcula cu tur e faenan mencionada aki riba lo ta cla dentro di tres aña. Despues di Januari 1980, pues, ora e trabownan den e centralnan keda cla, esta fase no. 1, e isla di Aruba lo ta dispone di un di e sistemanan di comunicacion telefonico di mas moderno na mundo y esun di mas moderno di Antillas Hulandes y den Caribe.

Cu e proyecto aki Gobierno di Aruba a demostra su capacidad, voluntad y vision pa trece un proyecto pa e isla cual indudablemente lo beneficia cada persona den nos comunidad. Un comunicacion eficiente y moderno lo yuda atrae mas comercio e industria pa Aruba.

GOBIERNO TA STIMULA.....

(cont. di pag. 10)

cargo. Segun e trabownan di e fundacion ta bai aumentando ta ser calcula cu dentro di algun aña e personal di e fundacion lo worde amplia te cu 40 pa 50 persona.

Cu establecimiento di F.C.C.A. Gobierno Insular di Aruba a demostra e curashi y madurez politico di un bon gubernacion y a adopta un maneho cu ta cuadra cu e tradicion cultural-historico di e pueblo Arubano.



Den e compartamento di e ambulansnan nobo tin un sistema di Intercom entre e helper y e chofer, sistema di oxigeno built-in, aparato pa chupa slijm, dos botter portatil di oxigeno y 7 spotlight. Tambe tin paden un converter di corriente DC pa AC cu dos shock-contact. Nan ta completamente equipa pa duna promer asistencia den casonan di accidente. E vehiculonan a worde traha door di National Ambulance Builders na Orlando, Florida y ta costa Fls. 42.000 cada uno.

DISTRITONAN ELECTORAL Y CANTIDAD DI VOTADORNAN ELECCION PA STATEN ARIBA 1979

NUMBER Y NUMBER DI DISTRICTO ELECTORAL		Y total votador		M.E.P.		A.V.P.		P.P.A.		R.U.B.A.	
		Staten 1979	E.R. 1979	Staten 1979	E.R. 1979	Staten 1979	E.R. 1979	Staten 1979	E.R. 1979	Staten 1979	
1.	A.A. Clubgebouw NOORD	994	571		146		68		82		
2.	Centro di Barrio NOORD	927	732		127		59		63		
2A.	St. Aloysiuschool NOORD	944	416		150		63		52		
3.	Paso Sigur Huisoudschool NOORD	933	585		118		59		36		
4.	Colegio Oro Ubau TANKI LEENDERT	1019	522		186		52		96		
- 5.	Aurora Kleuterschool TANKI LEENDERT	871	599		80		65		37		
5.	Eagle Clubgebouw ORANJESTAD	915	254		151		92		277		
7.	Aruba Jrs. Clubgebouw ORANJESTAD	700	182		159		76		152		
8.	Franciscuscollege MADIKI	1056	364		195		107		261		
8.	St. Dominicuscollege ORANJESTAD	756	259		158		100		135		
8A.	Imelda Kleuterschool ORANJESTAD	594	345		76		50		45		
9.	Prinses Margrietschool ORANJESTAD	847	349		189		79		80		
10.	Beatrixschool ORANJESTAD	568	190		110		55		53		
11.	Colegio Arubano ORANJESTAD	1103	234		381		125		95		
12.	Plus X School DAKOTA	1291	757		280		162		164		
12A.	Fatimacollege DAKOTA	1105	272		124		167		103		
13.	Rode Kruispost DAKOTA	805	229		138		133		130		
14.	Bucuti Yachtclub BUCUTI	835	462		173		57		53		
15.	Martinusschool PARADERA	1083	790		154		100		60		
15.	Kibrahachschool PIEDRA PLAT	1158	640		163		80		23		
17.	Caiquetio Clubgebouw PARADERA	506	463		50		25		28		
18.	Colegio San José STA. CRUZ	1243	800		134		100		57		
19.	Kantoor WEB BALASHI	734	485		80		55		23		
20.	Huisoudschool Immaculata STA. CRUZ	758	481		98		83		31		
21.	Cacique Macuarimaschool MACUARIMA	589	448		55		32		7		
21A.	Centro Macuarima MACUARIMA	859	623		86		55		36		
22.	St. Jenschol KADUSHI LARGO	1052	852		59		30		23		
23.	Kukwisaschool POS CHIQUITO	1226	630		298		101		33		
24.	A.A. Clubgebouw SAVANETA	1095	767		190		97		24		
25.	Lucia Kleuterschool SAVANETA	1058	459		212		102		22		
26.	Caiquetioschool CURA CABAÍ	757	375		115		92		37		
27.	Christus Koningschool BRASIL	1167	669		120		129		75		
28.	Dr. Martin Luther King Technische School St. NICOLAAS	1003	351		145		199		97		
29.	Comm. Pieter Boerschool ST. NICOLAAS	1076	380		222		204		73		
30.	Y.M.C.A. Clubgebouw ST. NICOLAAS	701	279		82		144		54		
31.	Prinses Christineschool ST. NICOLAAS	923	397		152		161		42		
32.	St. Augustinuscollege ST. NICOLAAS	763	211		130		204		75		
33.	Chinese Clubgebouw	851	114		91		198		92		
34.	Benlideschool ST. NICOLAAS	992	236		94		341		100		
35.	Prinses Wilhelminaschool ST. NICOLAAS	476	247		49		74		20		
36.	Comm. Gen. Abraham de Veerschool ST. NICOLAAS	825	124		88		248		93		
37.	Prinses Ireneschool ST. NICOLAAS	602	128		47		205		54		
38.	Graf van Zinzendorf'school ST. NICOLAAS	1027	269		187		228		78		
TOTAL		38918	18551		6063		4867		3181		